



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Eosdem plerumque esse Fatorum & Fortunæ adoratores.

urn:nbn:de:hbz:466:1-45653

cui nefas est resistere. Ethnicorum vox est : Superat quoniam Fortuna, sequamur : Quóq_z vocat, vertamus iter.

C A P V T X X V I I .

Nihil FATO vulgi, aut alicui necessitati stellarum esse ascribendum.

I.

Homer.
Odyss. H.

Cic. l. 3. de
Nat. Deor.

Virgil. 4.
Eclog.

Baculi supra memorati ineuitabilis felicitas, suspicio-
nem fortè alicui posset gignere Fati cuiusdam, cum
Fatis impellentibus adactus vulgo dicatur, qui vtq;
non sponte, nec raro, sed velut ineuitabili necessi-
tate, nolens volens vel semper felix, vel semper est
infelix. Et Ethnicorum proverbio iactatum est, quod fatis decre-
tum esset, id nemini licere euitare. Quam opinionem didicit do-
cuitque etiam Homerus, cuius versus ita verbatim redduntur;

Post illic, accidet illi,

Quod fatum Parcaq_z, graues in stamine nerunt
Nascenti tum, cum matris promergeret alio.

Et qui arbitrio Fortune, quæ campi domina dicitur, aliquid, tanquā
Deæ, tribuunt, facile in Fati Fortune cognati errorem incident,
vt, cum Nævio, dicant: Fato Metelli Romæ sunt Consules; aut ve,
cum Priamo, Fatis ascrivant, quod Helenæ esset imputandum;
aut, cum Creonte, pronuncient, Fato non repugnandum: aut cum
alio, nescio quo, dicant: Fata viam inuenient: aut, cum Poëtis, tres
Parcas esse credant, quas Cicero Erebi & Noctis filias fuisse scri-
bit, & easdem Fata esse existimat; Hesiodus nascentibus homini-
bus bonum malumque conferre censem. Vnde est illud Cleantis?
Ducunt volentem Fata, nolentem trahunt.

& istud Maronis:

Concordes stabili Fatorum numine Parcæ.

Madaurensis Philosophus has ita describit. Tres Parcæ, tria Fata
sunt numero, cum ratione temporis facientia, si potestatem earum ad
eiusdem similitudinem temporis referas. Nam quod in fuso perfectum
est, præteriti temporis habet speciem. Et quod torquetur in digitis, mo-
menti præsentis indicat spacia. Et quod nondum ex colo tractum est, suba-
Etumq_z curâ digitorum, futuri & consequentis seculi posteriora videtur
ostendere. Nomina Parcarum sunt Clotho, Lachesis, Atropos;

quarum

quarum prima colum tenet; altera net; tertia filum diffringit. Ab hoc filo vita pendet. Hæ textrices anus omnia negotia mortaliū dispensant, apud istos, infallibili quadam necessitate. Huic laqueum torquent, illi nent diadema. Actum est de homine, quām primum natus est, rata sunt omnia, si istis credas; sub Ioue natus, certus est de sceptro; sub Mercurio, certus de patibulo.

Præsens est iste scopulus, ut supra quoq; memini me dicere, ad homines in desperationem, nostra quoq; ætate, prò dolor, inducendos. Qui etsi ipsa *Fati* explicatione supra allata, satis maneat repulsus, hīc tamen paulò enucleatiū est destruendus. Multi enim *Fati* legibus ita addicunt astringuntque omnia, ut libertatem arbitrij manifestè tollant. Quidam namque opinantur, *Fatum esse naturalem quandam ac necessariam rerum consequiam*; eāmque ex ipsis astris deducunt. Homines quando *Fatum* audiunt, inquit S. Augustinus, non intelligunt, usitata loquendi consuetudine, nisi vim positionis siderum qualis est, quando quis nascitur, vel concipitur. Alij inquiunt, *Fatum esse indeclinabilem rerum seriem, & catenam*, per aeternæ consequentia ordines, semet implicantem. De primis Poëta ait: *Nota Mathematicis genesis tua*. Secundi seipso, ac alios secum, catenā illâ implicant. Vtrique in *Fato* fiunt fatui: illi quia astris, quibus sapiens dominatur, nimiam tribuunt potestatem; isti, quia non satis dispiciunt, quale sit inter facta & facienda discrimen. Nam etsi quod factum est, infectum fieri nequit; id tamen, quod faciendum est, non ita faciendum est, ut liberè nō sit faciendum, aut ut etiam omitti non possit. Tametsi ergo *Fatum*, prout Ethnici sumebant, significabat aliquam in euentis necessitatem, immo etiam necessitatem in ipso Deo; prout tamen ab Aristotele, & rectè sentientibus accipitur, non solùm non infert necessitatem in Deo, cum Deus liberè ordinet fatum; sed etiam in agentibus liberis creatis non ponit necessitatem, cum caussæ proximæ in effectum influentes, influant iuxta modum eius. Quocirca, si sint liberæ, influunt cum libertate, seu libertate non euersâ. Nulla ergo neq; à stellis, neq; ab ylla serie caussarum est *necessitas antecedens*. Ita est, non lucent in cœlo sidera otiosè; alios in iram, alios in flaccidum quendam languorem; alios lætos, subtristes alios dignunt; nulli tamen sanæ mentis homini ingerunt necessitatem, nulli adimunt libertatem. Potest lætus tristari, & tristis naturâ, lætari: neque sane quisquam in lætiſſimos cachinnos effusior est,

II.

S. Augustin.
lib. 5. de Ci-
uit. cap. 1.

Kk quām